

N^o 211

v

2
Zinn

Schnaase f. d. L. u. B. Bibliothek

3 in Danzig

23634 //

Hist. 3278.

K. B.

N^o 103

1.

2.

3.

4.

5.

6.

7.

8.

1. Separate Nachricht von der Russisch u. sächsischen Bela-
ger - u. Bombardirung der Stadt Danzig. Cöln 1735
[Autour: Georg Daniel Seyler i Peter Georg Schultze]
2. Aufrechte Erzählung wie es mit der Wahl Stanislaus
Leszczyński und Frederici Augusti zugegangen. [1735]
3. Pacta conventa zwischen ... Stanislaus I ... und den Stän-
den der Republique Pohlen - Danzig 1733
4. [Stanislaus Leszczyński, Polonae Rex] Lettre du Roy ... à
un de ses amis, contenant les veritables circonstances de sa
retraite de Danzig. 1734.
5. Brief eines Pasten, in welchem die Schrift ... Respons Anony,
mi do paownego Prymarcela x Głównu będzego ... weiterleget. [1735]
6. Der andere Brief eines Pasten, in welchem die Schrift ... Res,
pons na manifest Krzyscia Śmci Prymasa ... weiterleget wird [1735]
7. Send-schreiben eines Polischen von Adel an einen ... Freund
v. d. a. 1733 ... Rgl. Polischen Wahl ... [1735]
8. Einmüthiger Schluss ... welchen die ... aus dem Senatoren-
und Ritter-Stande zur Seite geordnete ... Rätthe am 10 Febr.
1734 in Danzig beliebet haben. [1735]


9. Confederation der Sandomirischen Woyewodschaft,
vor die Vertheidigung des cathol. Glaubens, der freyen
Wahl u. der kgl. Würde Stanislai I. -- [1735]
10. Sentiment der polnischen Nation ... dem russ.
u. cosack. Geschlechte zur Ueberlegung communiciret ... [1735]
11. Fides indubitata omnium Ordinum Regni ad Kamion,
nam probata. Electionem -- Electoris Saxoniae --
factam. [1735]
12. Fides indubitata contra Fidem ad Kamionnam ... in
licentiosam Elect. Sax. pro Rege Pol. seductionem post
religiosam Stanislai I. -- proclamationem ... [1735]
13. De prospera Regis Poloniae a. 1733 electione Equitis
Poloni ad amicum confidentem epistola ... [1735]
14. Copia litterarum cuiusdam Equitis Poloni ad ... Electo-
rem Saxoniae ... [1735]
15. Apologia malitiose vexati honoris Primatis Regni
-- per literas Principis Eugenii ad Vesirium -- [1735]
16. Rede der Deputirten der Stadt Sautzig ... an J. Rus,
vorher Kay. M. -- Sautzig 1734.


17. Bewegungs-Gründe der Kgl. Entschliessungen oder gründliches Verzeichniß der Ursachen welche J. K. M. von Frauch, nach zu den Waffen zu greiffen bewegen --- [1735]
18. [Stanislaus I Leszczyński, Poloniae Rex] Der wahre Glück- und Unglücks-Spiegel des Königes --- [1734]
19. Kurtze Relation von der Krönung Stanislai I. -- und dessen Gemahlin -- in Warschau -- am 4 Oct. 1705. -- 1733.
20. Die innigste Freude der Stadt Danzig und deren Einwohner über die hohe Gegenwart Stanislai I. -- Danzig 1733.
21. An dem hohen Geburtstags-Licht Stanislai I. -- durch einen --- Prologum --- sich präscentiren --- anwesende Truppe hochteutscher Comœdianten --- [1733]
22. Copia der Kriegs-Declaration des Königs von Frauch, reich wider den Kayser von 10. Oct. 1733. --- 1733.
23. Engelcke Jakob, Das auf der Goetter-Assemblee wohl-ausgesprochene Lob- und Ehren-Urtheil über die Kauf- und Handels-Männer --- in Danzig. Danzig 1734
24. Lengnich Gottfried, Augusti Optimi Regis Poloniae... d. 1. Febr. salutis publicae crepti memoriam Urbis

Senatus d. 5. Mart. --- oratione celebrare
iunxit --- [1733]

25. Lengnich Gottfried, Augusti II Regis Polonae...
indulgentiam Senatus iussu oratione celebravit...
Gebani [1733].

- [illegible]







APOLOGIA.

Malitiosè vexati honoris Celsissimi Primatis Regni Poloniæ, & M. D. L^x. per literas Celsissimi Principis Eugenii ad Illustrissimum Vesirium Scriptas.



ostquàm in Lucem prodiit certa quædam studiofissimè compilata Aulæ Viennensis Justificatio, quâ *Sacra Cæsarea Regiaque Catholica Majestas*, protestatur, nunquam se immiscuissè, vel ansam dedisse iis in Regno Poloniæ motibus, quorum invalescens impetus tranquillum totius Europæ concussit statum.

Vidimus & legimus illam cum attentione, ut hæc solet major esse ad magna oracula. Examina-
 minavimus cum admiratione, quòd tantæ pietatis, tantique Judicii Princeps, ab initio malis Consultoribus adhæserit, & iniqua illorum Consilia, quæ amplexus est ad finem iam ut sua tueri, ac illis æquitatis Naturam adstruere firmiter proposuerit. Denique dedignari satis non potuimus hanc Injustitiam, quòd si quid mali Reipublicæ Polonæ evenit, id totum *Sacra Cæsarea Regiaque Catholica Majestas Celsissimo Regni Primati* Ejusque Culpæ adscriberet, quòdque à Fatis Serenissimi Augusti II. usque ad Throni vacantis periodum, quâ *Primas* & brevis Interrex, aut nimis Zelosè Patrias Libertates & Leges defenderit, aut earundem tutelam ab Externis Potentiis sibi arrogatam in Libero ac independenti Regno insuetam & suspectam non admiserit. Hæc Constantia animi omnibûs superior tentationibûs procreavit Illi ejusmodi odia, Convitia, impropria, & multas alias gravissimas Injurias totum per Orbem divulgatas, ad quas tamen pressio do-

loris sub pectore sensu, filuit per respectum & Cultum Diis Terrarum pendit solitum, etiam in ambiguis Eorum Effatis, sed quia Principum Effata sunt, saepe numero venerabundam dissimulationem quamvis ab invita veritate exigunt.

Cum autem Celsissimus etiam *Princeps Eugenius uti Primarius Sacrae Caesaris Regiaeque Catholicae Majestatis* Minister sui Aulici & bellici Consilii Praesidens in Responsoriis suis Illustrissimo Domino Ali-Bassae Magno Vefirio Imperii Othomanici datis intuitu eorum, quae durante Interregno curam ac Sollicitudinem Primatiales tangente, acta sunt in Polonia, minimè realitati studuerit, referendo non existentia pro existentibus, affectata perperam pro genuinis, imò Honorem *Primatis à Sacra Caesaris Regiaeque Catholica Majestate* sat malè habitum, adhuc peius & sensibilius vellicare praesumpserit. Jam hic nec patientiae ulteriori nec dissimulationi est locus; Cum liberius Principem Eugenium alloqui, & illi ad suas illationes respondere nullum sit periculum alicujus respectus, nullum veritatis palam defendendae, ac à falsitatibus vindicandae obstaculum, imò nè penes Nos surda ac ignava objectorum tolerantia Illi pro Victoriâ, & Silentium Nostrum pro Confessione delicti habeatur, utque toti Europae notum, clarum, manifestumque sit Res Polonas in alio. Statu, ac ritu fuisse, ac in alias sinistrasque Aulae Viennensis Interpretationes immeritò incidisse, visum consultumque est altesatam Responsum *Principis Eugenii* ad Literas Magni Vefirii factam intus & in cutè excutere, & omnia ejus puncta expungere.

Hanc autem sacratam veritati evincendae operam ordiri fas est ab Elogiis Praefulgidae Portae, & Ejus dignissimi Magni Vefirii, qui auditò Moscoviticarum Copiarum in Viscera Regni Poloniae introitu ad evertendam aut opprimendam Liberam Regum Electionem institutò, sat scitè & solidè, tam pro Juribus ac libertatibus Nostris, quàm etiam pro observandis religiosè Pactis & Tractatibus inter Gentes sibi Vicinas & finitimas initis parem ac laudabilem Zelum indilatè testari dignatus est; Aulam Rossiacam monendo, ut ab ejusmodi violento attentato desisteret, quò etiam ipsa Praefulgida Porta usque ad rupturam pacis ad Fluvium Prut cum Moschis conclusa, offenderetur & irritaretur. Principem autem Eugenium Literis suis Viennam missis distinctè conveniendo, & amicabiliter expectando, ut pro hac Philadelphia, quae nunc viget & floret inter *Sacram Caesaris Regiamque Catholicam* ab una, & Caesaris Majesta-

gestatem parte ab altera, velit serio, adhortari Aulam Rossiacam, nè Liberis Liberi Regni Poloniae dispositionibus se immisceat, nè Jura Legesque Ejus manu armata confundat, imò Pacta antiquiora & recentiora intaminatè colat, & Exercitum Moscoviticum evacuet, ac extra Limites Regni quantociùs educat; Principis Eugenii hâc in re bonis Officiis ac allaborationibus non parùm profuturis ipsimet suo Imperatori ad conservandam inter duo Imperia illâsam Pacem, quæ secus violatis aliorum Regnorum Conventionibûs ac Tractatibûs non posset firmis stare radicibûs.

Exemplum id servandæ stipulationibus fidei, ac Religionis Pactorum sacrosanctè habendæ in Othomanis gloriosum & virtuosissimum, nonnè facturum est justam iniquitatis exprobrationem, & pudoris impressionem Christianis, qui spretâ pietate, conculcatâ Fæderum Religione, Libertatum, legumque alienarum usurpatâ sibi indebita protectione, bella movere, Vicinos vi opprimere, & totius Europæ tranquillitatem ex Cardinibus suis elidere non horruerunt.

Sed ad tam prudentes, justitiamque tutantes Literas Magni Vefirii, qualiter Princeps Eugenius Nomine Aulæ Viennensis respondeat nunc videndum & animadvertendum est.

Incipit à conclusa feliciter Passorovicii Pace, quæ post tantam humani sanguinis effusionem, immanemque Regionum ac Populorum devastationem, tùm alia innumera, mala ex bello promanantia, ut facta maneret, omnem abhinc in eo fuisse curam ac sollicitudinem Aulæ Viennensis. Cùm tamen Eadem Pax pro qua totius Imperii viribûs pugnatum, ipsi tantùm Imperatori proficua, ac tantâ ad hæreditaria Ejus Dominia Regionis accessione constans, intus irrequietum teneret animum Potestatis suæ plusultrâ extendendæ avidum. Otium infructuosum displicebat, Tranquillitas Europæ pariebat fastidium, & ubi bella aperta desierant, tacita & tecta non cessarunt studia, aut pro augendis in rem Domûs Austriacæ Emolumentis, aut pro partis ex integro retinendis etiam cum præjudicio & injuriâ Terrii.

Hinc judiciò ipsiusmet Principis Eugenii successisse illud inglorium, & à honestate alienum, ipso quoque rerum eventu infausum, ut occasio potius captaretur Vicinorum quietem turbandi, quam ut ea respicerentur, quæ Pactorum Conventorum Sanctimonia exposcit.

Signanter autem de rebus Polonicis tractans, ac si iis quæ tam in Convocationis, quàm in Electionis Comitibus acta sunt præsens adesset, asseverare & persuadere Magno Vesirio adnuitur, quòd à perversæ indolis hominibus posthabitâ omni veritatis curâ, nihil non actum sit, quò sinistris ac fallacibus querelis suis fidem adstruerent, ac præsentem rerum in Polonia Statum diversum planè ab eo, qui est, depingerent & sisterent. Cum à contrario & Præfulgidæ Portæ & universo jam Orbi notiùs & sole meridiano clariùs esset, penes eosdem esse & flagitiorum Culpam & impudentium Mendaciorum summam qui in parvo nimis, & nimis facinoroso perjurorum ac Perduellium numero, à Corpore Universæ Reipublicæ abrupti, plusquàm notoriè perversæ indolis sint, & dici tales mereantur, ut potè corruptionis suæ manifesti, falsarii pravi & serviles factionum Extraneorum administri.

Rectè dictum à Magno Vesirio. Regnum Poloniæ esse conterminum Regionibus, quæ partim Augustissimi Romanorum Imperatoris, partim Præfulgidæ Portæ, partim Russorum Autocraticis imperio subsunt, atquè à Principe Eugenio idem debite agnitum cum hac tamen subtili appendice, quòd Eorundem Vicinorum Principum, quàm maximè intersit, nè Polona Libertas ac præcipuè Liberrimæ Electionis Jus, tum Regni Leges, quibus Libertas innititur detrimenti quidquam capiant.

Aperiendi nunc sunt Oculi, videnda est, quam Princeps Eugenius exaggerat, hæc defensio Libertatis in intento Libertati ictu; Nonnè palàm in amico quasi, & re ipsa stricto ac violento à Vicinis Legum Nostrarum amplexu strangulatur Jus liberrimæ Electionis? Cum post eandem unanimiter in forma expeditam, alia deformis & portentosa sub armis hostilibus prodierit? Non tamen indè sequitur, quòd cum Regnum Poloniæ sit contiguum & collimitaneum cum præfatis Monarchiis pro Interesse & libidine earum debeat sibi Reges eligere. Non introspicimus in Vicinorum gubernia, qualiter Hic vel Alter Principum subjectos sibi regat Populos. Non perscrutamur, nec curiosis æquè ac perniciosis immiscebimur factionibus, quem & qualem Electores Imperii sint habituri Romanorum Imperatorem, nostra curamus unicè, nostris vivimus & vigemus Legibus, directione aut Manuductione Extraneorum in iis, quæ ad solam Liberamquè Rempubicam pertinent, non indigemus, imò quoties Vicini nostri ultroneâ ac affectatâ Benevolentia in negotia nostra se in-

gerunt, nunquam non evadunt suspecti, nunquam sollicitudo illorum de bono alieno speciosa, pro periculosa non habetur: Cum semper proprii quoque commodi, intra se habeat contemplationem. Ut id arcanum evulgat ipse Princeps Eugenius.

Sicque ulterius sua ratiocinia promovet, scilicet par & justum esse, ut quam diu Poloni stant Pactis Conventis, quæ cum externis sunt inita, domesticis illorum rebus Exteri se haud immisceant, nisi ubi forsitan à Reipublicæ Concivibus invitentur, ut laboranti Patriæ, ac ejusdem in discrimen adductæ Libertati succurrant.

Quantum ad primum, Pacta & Fædera cum Potentiis Externis conclusa à Polonis semper, & in hunc usque diem illas ac Sacrosanctè observata nullus dubitabit, prout & ipse Princeps Eugenius, imò candidè fatebitur, Poloniam vel ab illo vel ab alio Vicino Principe læsam, occupante Thronum de Tribu Germaniæ Rege Augusto II. læsionum & injuriarum suarum ultionem feliciori reliquisse tempori, præsertim verò prætensiones suas patienter tolerasse tam magnas ad Russos habitas, qui bellò præterito conjunctis secum viribus Polonorum tot & tanta emolumenta lucrati, non modò conscriptis initæ armorum Societatis Tractatibus hucusque non satisfecerunt, sed etiam ad eum ex prosperis tumorem devenerunt, ut ipsam denique Rempublicam Liberam Amicam & Fæderatam suam invadere, opprimere, Jura Cardinalia evertere, Libertatibus exuere, ac Statui suo similem servitutem inducere pro piaculo non haberent.

Non hoc est domesticis Regni alieni & privatis rebus se immiscere, sed publicam & palmariam violentiam facere per attentatam in Armis Impositionem Libera Genti, Ejus Principis cui invita & coacta pareret. *Quantum ad secundum queritur* quod & quale ad præsens Libertatibus Nostris instabat discrimen, ut ad salvandas illas necessaria essent Auxilia Moscovitica, quorum Invocationem Princeps Eugenius asserit esse licitam, si à Concivibus Reipublicæ facta fuerit. Distingvendi sunt primò Concives boni & mali, probi & improbi, Reipublicæ amantes prisco & integro more, ac è contra factiosi, rerumque novarum cupidi. Aliàs nunquam daretur quieti Locus, Seditionibus finis. Deindè considerandum quo tempore, & in quem finem exigantur Armata à Vicinis suppetiæ, quæ sine consensu unanimi Statuum ab aliquot Civibus requisitæ, ipsò factò sunt criminales & damnabiles. Respublica fuit quietissima, illam verò

turbare, angariſare, & bello temerario malitiōſè implicare, nonnè ſcelus immaniſſimum? Si Liberum *Veto* in aliquo aliquis læſum credidit & allegavit, licuitnè Filiis contra Patriam, Civibus bonis contra Rempublicam hoſtiles Exercitus inducere, eâ de Cauſa, quæ Domini à Dominâ ſua naturali, vel iudicari, vel ſvaviter componi poterat?

Quæ cùm ita ſint in his principiis quamvis iniquiſſimis ipſe recognoscit Princeps Eugenius coram Magno Veſirio, concordēs penitus eſſe animorum ſenſus Principum Regno Poloniae advicinantium. Nos quoquē aſſertis annuimus, quodd hic eorum concors Conſenſus fuerit ad noxam Reipublicæ, ut id ab eventu patuit. Sed hanc Hippocryſim inducit tectam palliō Juſtitia non repugnantis bonis & fæderatis amicitiiis, quodd Ruſſi venerint ſollicitari bona intentione ad ſuccurendum laboranti Reipublicæ, Ejusquē Libertati; reverſuri mox in Ruſſiam proviſis iis quæ ad Bonum Reipublicæ. O quàm ſpecioſa verbis! In re verò non aliam eſſe naturam omnium Pactorum Conventorum & Tractatum inter Gentes confici ſolitorum, quàm ut aut illis ſolidetur fædus deſideratæ ad invicem Amicitia, aut ſi interceſſit aliqua armorum colliſio, poſt bellum ſit Pax, Jus unius cujuſquē in ſalvo, limites in tuto, regimen ſuum ſecundum quod Gens quæque ſe regit in toto, mutua denique auxilia, ſi in Compactatis ſunt adnexa contra Hoſtem communem, & eo deinde tempore quò à parte illis indigente expetantur; Nam & beneficia ultrò obtruſa, & ut omninò etiam à reſpuentibus acceptentur, magis violentiam quàm gratiam inferunt. Facienda nunc eſt reflexio ad Statum Regni Poloniae & ad Vicinos illi Principes, ejusdem curam & tutelam nimium affectantes. Erat Pax & iam non eſt Pax, imò fragore armorum ex ſinu totius quietiſſimæ hætenùs Europæ excuſſa & propulſata. Jura Regni huius quæ debebant eſſe in ſalvo, convulſa & conculcata à Protectoribus ſecundum illos putativis, ſecundum nos abſolutè intruſivis. Limitum violata ſecuritas, tranſgreſſis Confinia, & in Viſcera Regni illapſis extraneis Copiis. Regimen liberæ Gentis ad quantam venerit confuſionem per everſas ſuſque deque Leges. Quantò proceſſum attentatò contra Liberrimam Regum in hoc Regno Electionem, teſtatur id illa novi Theatri ſcena in Pragenſi Deſerto. Quis Hoſtis Reipublicæ erat, ut ad ſuccurſum ab illa non rogati venirent Moſchi. Sed tueri aliquot Cives perverſos Perduelles, illis aurem & fortem manum præbere ad Univerſam opprimendam Rempublicam, & cum illa integra, non autem cum aliquot ejus

divisim Civibus, tùm antiquissimis Pactis, tùm recentioribus Tractatibus initis & stantibus ad hæc Principia, (per quæ quid componitur, per eadem resolvitur) lumine naturæ nota se non reflectere, quæ boni rectique Sensûs ratio?

Ignoratur prorsûs qualiter Princeps Eugenius absquè periculo proprii ac consummati Judicii Inconvenientiam ejusmodi, & Inductionem Moschorum in Regnum à Civibus privatim attentatam adornare, & justificare contendit, ut rem Jure concessibilem & in Jure vetandi fundatam, quoddam jus sanctum & Sacrosanctè observari solitum ad avertenda mala à Republica, non autem ad inferenda illi vel ejus Libertatibus pericula inservire debeat.

Quoddam verò per hunc in Poloniam hostilem Moschorum ingressum, nulla sit ruptura, aut læsio Tractatûs inter Præfulgidam Portam, ac Rossiacam Aulam ad Fluvium Prut conclusi, hoc nullatenus excusari vel defendi potest. Quoniam (ut Ipse Princeps Eugenius in Responsoriis suis Magno Vefirio datis innuit) extra omne dubium est: Non licere ab iis, quæ mutuo consensu firmata sunt uni Paciscentium Parti invitâ alterâ recedere. In comperto autem est contra expressum ejusdem Tractatûs articulum irrupisse in Regnum Poloniæ Exercitum Moscoviticum, nec indigente quibusvis auxiliis Republica, cum altâ undique pace frueretur, nec Præfulgidâ Portâ ad id assentiente, imò nec requisitâ à Russis superbis, ut permissum illis esset dispensato tantisper & resolutio nexu præfati Tractatûs intrare in Ditiones Polonicas ad affectationem etiam ipsiusmet Reipublicæ, non verò aliquot Ejus Civium Factioni Germanicæ obnoxiorum, quosut bonum Opus operatos, quia Moschos in Regnum induxerint, & ipsò factô scelus contra Patriam commiserint, Princeps Eugenius hoc argumentô tutari ac justificare nititur. Quoddam id in necessitate Liberam Rempublicam premente licitè posse à Civibus tentari & fieri agnoverit Ipsemet Primas Regni, exemplumquè dederit, cum sub finem Regni ultimi defuncti Regis, tam Augustissimum Romanorum Imperatorem, quàm Russiæ Autocratricem repetitis vicibus sollicitaverit, ut Copias suas in finibus Regni collocarent, & propiores haberent ad succurrendum, ubi casus exigeret, periclitanti Libertati Poloniæ.

Non diffitemur eum tunc temporis Reipublicæ fuisse Statum, ut in plurimis rectè sentientibus suspicax Libertatis amor nil à Majestate sibi non metueret. Ignotum tamen an aliqui Civium scripto-

tenus vel aliter, eorum quæ illos terrebant hanc Confidentiam, aut Aulæ Viennensi aut Rossiacæ fecerint. Primati autem ut illas requireret & sollicitaret pro habendis ad Limites Regni propè & in promptu Auxiliaribus Copiis, nunquam id, quod falsò objicitur, probari potest.

Si habent aliquas eo Nomine Literas, propalent, & ipsis Illum documentis convincant. Poterat etiam Princeps Eugenius statim eadem Responforiis suis Magno Vesirio datis adjungere. Aliàs divulgare non Entia, velle fidem figmentis adstruere, & illis veritatem obfuscare nec honestum, nec Judice Universo Orbe Justitiæ consonum.

Si in Confiniis Regni positæ tunc erant tam Germanorum quàm Russorum Copiæ, non id factum fuisse ad preces Polonorum, non amore ac amicâ & fideli provisione servandarum in integro Libertatum Nostrarum; sed ex ratione Sanctionis Pragmaticæ, cui D. M. Regem Augustum contrarium, infensum ac adversus eandem cum Regno Galliarum conjunctum, & amicum, utraque hæc Potentia ægris respiciebat oculis, & tempestivè ad ingruentiam belli rebus suis parata, quibus se confestim Regi Augusto opponeret adminicula habebat. Subsecutis verò Augusti Fatis Princeps Regius, qui pro illo tempore in Supremis Cameræ Imperatoriæ Decretis à Throno Poloniæ exclusus erat, jam deindè Elector Saxoniarum, postquàm Paternum Systema cum admiratione omnium mutaverit & Sanctioni Pragmaticæ acquieverit sub certis & secretis absque dubio in præjudicium Tertii Aulæ Viennensis sponsonibus ac Compactatis. Præfatæ Potentiæ iisdem armorum viribus, Limites Regni hujus circumfidentibus, uti in obsequium ac Suffragium novi sui ad Coronam vacantem Candidati, consultum duxerunt. Vidissetquè infallibiliter in fausta ac Vicinorum moliminibus accomoda Polonia præter Moschos & Saxones inundationem Cæsarei quoquè Exercitus, ni meditationibus ac destinatis Aulæ Viennensis obicem posuisset Rex Christianissimus unà cum aliis sibi amicis ac Colligatis Regnis, ex nunc Imperatori declarato & inchoato bellò, quò Impetum Ejus in Nos ruiturum diverteret in se & in sua arma, tam ad Rhenum benè auspicata, quàm per Italiam victoriosa ac felicia, prout Divinâ justæ Causæ assistente gratiâ fas est non alios & ulterius sperare successus.

Sed quæritur Princeps Eugenius quâ Conscientiâ, quo veritatis Sensu velit comparare illum ante proxima Regis Augusti Fata

sta-

Statum Reipublicæ, cum hâc post obitum ejus subsecutô, in quo omnia vano aut justo metu soluta, omnia tranquilla erant, nulla de Principe jam non vivente suspicio, nullum instabat Libertatibus periculum, nulla vis liberæ voci, nulla necessitas emendandarum ab Exteris Principibus Protectionum, & inducendorum in Regnum Exercituum, quorum hostiles ignes jecerunt funestum incendium in totam Europam.

Sic tamen sua urget argumenta. A ratione alienum fore, id opinari ut Interregni tempore Primati quâ Interregi liceat, quod Primatis quoquè Judiciô haud liceret Regi. Et ex hac Prothasi talia sumpta vibrat tela. Id ipsum quod à Principe in Solio timebatur, à Primato Interregni tempore non modò tentatum, sed ad effectum fuisse perductum per nocivas Reipublicæ machinationes, perquè læsiones & oppressiones Liberi Veto. Calumniosa hæc impetitiô deberet præsupponere potentem Primati & armatam manum ad ea, quæ obijciuntur perpetranda. Quis autem sanè crederet Illum solum, nullisque stipatum Legionibus, soli & brevi Interregiæ Autoritati innixum, posse quid simile attentare contra liberrimos Civium Sensus, quorum Zelum & ejus amplitudinem, nec Ipsa quoquè in sua vita potuit arctare ac premere Regia Majestas. Apodosim deniquè suam in his statuit verbis. Nè ergò Patriæ Libertas à degeneribus ejusdem Filiis opprimeretur, sanior Civium Pars ad Augustissimum Romanorum Imperatorem & ad Russiæ Autocratricem, preces detulit, auxilia salvandæ Reipublicæ & Libertatis imploravit.

Sanior hæc Pars imò particella dismembratæ Reipublicæ, poteratnè habere plùs boni & recti sensûs, plùs considerationis & amoris erga Patriam & avitas Libertates, quàm integra ac unanimis Respublica, quæ datô non concessô, & si erraret, nonnè pro quiete publicâ tutius erat cum illa errare, quàm solis aliquot Perduellibus sapere ad motus & turbas? Poterantnè aliquid sani promittere, aut eam de se opinionem in Orbe fortiri, hæc putrida membra à corpore Reipublicæ abscedentia, & jam à materno ejus sinu, ut aliquid pestiferum, nè Pars sincera trahatur, avulsa & abjecta ac anathematizata. Ex hoc Principis Eugenii contextu, malè tecta artificiorum fila satis clarè apparent, quòd ejusmodi prava & perversa aliquot Subiecta necessaria erant Vicinis Potentiis, tam ad inducendam in Regnum animorum divisionem, quàm ad viam qualicunque scissione aperiendam, per quam etiam vi & forti assultu, Liberi Regni Corona caperetur.

Ab illo tempore, quô Orphana Respublica abreptô Fatîs D. M. Rege Augustô, induit se lugubri luctu, ejusquë Regimen, donec vacanti Throno alius substitueretur Princeps; secundum Leges ad curam ac sollicitudinem Primatiales devenit, quæ acta sunt ab initio usquë ad finem, licet ea tot & tantis graphicis scriptis in lucem editis, satis superquë deducta essent, ac cum tanto realitatis candore, ut ejectis in contrarium falsitatibus, nec fides, nec locus amplius daretur, tamen ut ex hac quoquë Apologetica fidelissima lucubratione, majus in publico possit esse de veritate testimonium, aliqua hic innuere & repetere non incongruum, nec supervacaneum judicavimus. Certum est Celsissimum Regni Primatem ab omni vanitate remotissimum, & nihil magis, quàm incensa fugere; Illi tamen id, ex quo in ore Famæ laudari meruit, hic quoquë non tribuere, par esset velle decerpere, & invidenter suffurari aliquid ipsimet Justitiæ. Interregnum ordinariè turbis obnoxium, reddidit pacatissimum compositis placidè animorum fluctibus & reconciliatis inter se Familiis, quæ vivente Rege Augusto sibi ad invicem invisæ, insensæ & oppositæ erant. Hæc quies Domi, procuravit aliam foris, omni intus animositate suppressâ, quæ Principum vicinorum minus faventibus erga Rempublicam studiis arridere ac convenire poterat. Cæteris ad normam Justitiæ, bonumquë Ordinem domesticum redactis cum de Indictione Comitiorum Convocationis Statuum generalis deliberaverit, non sine magnâ animi molestiâ relatum sibi habuit, quod non expectatis Literis Universalibus ad Palatinatus & Districtus pro Comitoliis particularibus, ac Comitia præcessuris à Primare Regni, secundum leges edi solitis, Dominus Palatinus Cracoviensis quoddam conventiculum cum congregata nobilitate conflare præsumpserit, in quo factâ Confæderatione, primus erat Motor & Author constitutæ Extraneorum à Coronæ ambitu Exclusionis, ejusdemquë ibidem per se, ac per omnes alios illi Confæderationi adscriptos, Juramentô firmatæ. Credidissimus jam hodiè id insufflante Aulâ Viennensi fuisse factum, ut cum præfatum Dominum Palatinum Cracoviæ ambitionis plenissimum, Spe coronæ lactasset, hoc stratagemmate ad celeriores amplexus Sanctionis Pragmaticæ adduxisset Serenissimum Electorem Saxonie majori vetitorum desiderio irritatum, appromissis illi non obstante Extraneorum Exclusionem omnibus studiis, suffragiis, & viribus ad potiendum Regno, cui Ipsemet Princeps velut sibi noto & benè insinuato succedere post Patrem, sub specie non ambien-

bientis, flagrantissimè cupiebat, prout quod fuit in tenebris, jam nunc revelatum super tecta. Interea actus ille Consultationum privatarum pramaturus, legibus prohibitus, munerique Primatiali præjudiciosus, licet in legitimis exposit Comitioris, ac in termino suo juxta Universales literas incidentibus reprehensus & illaudatus extiterit: Exclusio tamen à Throno Extranei nullis Civium non placuit. Sicque omnes Palatinatus & Districtus secuti sunt unanimiter hanc primitivam illationem Domini Palatini Cracoviensis, cum ea animi vehementia, quod omnibus Nuntiis Terrestribus ad Comitioria Convocationis Varfaviæ missis, indispensabiliter injunctum esset, ut Extraneus ad Coronam Competitor nec nominaretur. Ipse Dominus Palatinus Cracoviæ id non negabit, qui post tot Juramenta super Exclusionem Extranei per se facta, admirandâ quâdam fluctuantis animi inconstantiâ in partes Factionis Saxonice ire & ruere non horruit. Tandem in Comitioris convocatorum Statuum sub Vinculo Generalis Confederationis celebratis, eadem Exclusio Extranei à Coronâ firmata, ab omnibus Jure jurando, Primati gratis, ac ejus pro principali suggestionibus, aut motivis, ex utroque imputatur, quia nec ad Exclusionem Extraneorum, nec ad Juramenta super illam faciendam, primus svasor erat. Placitum, hoc sancitumque fuit Universæ Reipublicæ, imò quod certior esset in eo firmitatis quoque Primatialis, Primum illum ipsa ad Sacramentum fidei cum paratâ Juramenti Formulâ convenit & adduxit, ut hoc exemplô reliqui idem facere non abnuerent. Primatem secutus juravit Episcopus Cracoviensis, ac aliis Jurantibus, ipsemet Juramenta per totum tempus patientissimè & amantissimo vultu dictavit. Quis credidisset simulationem & dissimulationem in Episcopo prorsus ex totâ vitâ tollendam, in abdito cordis hæsisse; ut dolus non modò erga Patriam, sed etiam erga ipsam Divinam Majestatem, exposit detectus patuit. Deinde ex ordine suo consequenter omnes jurarunt Episcopi, inter quos Episcopus Poseniensis, jam modernus Pseudo-Electionis prætensus Primas, & primus illius machinæ Architectus, cum ad Juramentum præstandum in conturbato non parùm animo accessisset, post præstitum lætior, ac si Sacramentalem Confessionem fecisset, & animam suam ab omni coinquinatione mundasset, uni ex familiaribus & intimioribus amicis suis ibidem, & in continenti id recognovit.

Jurarunt Magnates, Proceresque Regni, ac Magni Ducatus Lithvaniæ. Venit quoque turnus ad Dominum Palatinum Podlachia;

qui dùm hæsitare, & à Juramento declinare visus est, nè coactus præstaret, iam à genu flexo relevatus, postquè brevem deliberationem re-collectô animô, factôquè non incongruô sermone super beneplacita Reipublicæ & Libertatibus, & utilitatibus suis non inimicæ, à qua uni Civium dissentire, indecorum & magis licentiosum, quàm liberum esset, ipse sponte sua ad Juramentum admitti petiit, hisquè propriô Zelô & clara voce additis verbis, quòd sine omni mentis restrictione jurare vellet, tùm demùm cum magnis ac paribus suæ æquanimitati applausibus omnium, admissus est. Quis posthac speraret tam magnam in tanto Cive mentis & cordis revolutionem, ac fædissimam voti Deo emissi Irreligionem? Idem Juris jurandi Sacramentum explevit nullô exceptô omnis Senatus & omnis Equestris Ordo, nulli coactio illata, nulli non liberum relictum arbitrium. Licet naturam Confæderationis Statuum generalis hanc esse, ut magis pluralitatem sic, vel aliter opinantium, quàm Unius oppositionem circa Liberum *Veto*, sequi oporteat; attamen & ab illo vel latum unguem, non est discessum, nemine protunc vetante, omnibûs ad tam Sanctum Confœdientiarum Signaculum liberè accedentibûs.

Pro Peregrinis Legum & Consuetudinum Nostrarum, ut illarum meliorem haberent tincturam, nec crederent mendaciis, de oppressa quasi libera voce in publicum sparsis, adversariorum nostrorum unô admissô scelere nil non allegare ex iniquo audentium, adnotandum hîc non abs re censuimus, quòd omnia sub Interregnis Statuum convocatorum Comitia per Confæderationes Generales celebrari & expediri consueverint, prout in Volumine Legum inserta videntur, hóc mediô in arduis Reipublicæ casibus salutarî adinventô, inter Suffragiorum Unanimitatem, quamvis desideratissimam sed difficillimam & rarissimam, fermèquè miraculosam, & inter pluralitatem, quæ est anima Confœderatorum Statuum ad prævertenda externa molimina adæquatorem & tutiorem, ubi unius vel plurium circa Liberum *Veto* oppositio, contra torrentem aliter sentientium, non valeat. Illi qui stomachantur & malitiosè queruntur de non admissa in ultimis Varsaviensibus Convocationis Comitii Libertate opinandi, meminerint præter alia antiquiora exempla, recentioris in Comitii Pacificationis Anni 1717. in quibus sub Confæderatione Reipublicæ peractis, Vocis & disceptationis adempto usu, licèt contrâ Ipse Primas ac Antecessor hodierni, unâ cum Ducibus Exercituum, ac aliis ex Senatorio & Equestri Ordine protestatus ex Confessu Senatorio,

natorio, Rege in Throno sedente, exierit & Protestationes ad Acta porrigi fecerit, nihilominus quæ ibi sancita & lecta fuerant, quia in multis utili & bono Reipublicæ conveniebant & conveniunt, hodie dum pro lege lata indisputabili habentur, per illos solummodò, quibus vel ex fastu & Libertatis prætextu, vel ex privato Interesse loqui ac opinari volentibus non est permissum, iisdem Comitibus denique per derisionem Mutis-Appellatis. Quare eò temporis de oppressa voce vetandi, nec Aula Viennensis, nec Rossiaca quidquam egerit, & quare illud Jus protegendæ leges alienas, quod unquam uni earum, vel alteri nec competebat, nec competit, nunc in favorem consociorum ac complicitum factionis suæ arrogaverint, judicent semet ipsæ & in ejusmodi contradictoriis evidentiores inconvenientias suas deduci & convinci cum rubore fateantur, si quid adhuc verecundia ab iniquis & impudentibus attentatis superest.

Sicquæ finitis feliciter Convocationis Comitibus eandem ominabamur prosperitatem & securæ Electioni tantò magis, quantò votivius prima glacies fracta est, factione Saxonica, quæ iam patens & potens evaserat, viriliter superatâ & retrusâ.

Sciendum quòd D.M. Rex Augustus multa post se reliquerit debita, quodquæ ad illa examinanda & solvenda Serenissimus Elector Saxonie mittere non tardaverit Commissarios suos, qui sistentes se Varsaviæ primâ ad speciem Commissioni suæ operâ datâ & nonnullis Creditorum satisfactis, plurimis spe frustratis, iam non amplius privati, sed Plenipotentarii, publicisque Characteribus muniti, quid in recessu habuerint, combinatò cum Aula Viennensi & Rossiaca actoratu, manifestarunt in Comitibus Convocationis, impediendo palam & omninif Exclusionem à Coronâ Extraneorum per suos tacitos Fautores & affidatos amicos aliquot, omnes denique nec modicas summas secum advectas ad clandestina molimina, corruptelas Civium, & ad semina discordiarum in Republica ferendarum convertendo.

Optimorum tamen Civium zelò & virtute prævalente, ac illis paucioribus, qui ex Nuntiis Terrestribus ad sonitum Saxonici auri, aurem, Corquæ Manusquæ præbuerunt, contra Instructiones à Palatinatibus & Districtibus sibi datas, ut Extraneus ad Coronam non admittatur, nil seriò & palam attentare audentibus, Saxones cum vidissent oleum & operam perditâ, & Exclusionem Principum Extraneorum Lege scriptâ constitutam. Cumquæ eadem non leviter af-

fecisset etiam Ministros tam Cæsareæ, quàm Careæ Majestatis, tanquam factionis Saxonicæ comparticipes, Primus Legatus Imperatoris *Præmatem* adiit cum Declaratione in scripto datâ, quod *Sacra Cæsarea Regiaque Catholica* Majestas Libertates Regni hujus ex vi Pactorum & Fæderum cum Domo Austriaca antiquissimorum in integro colendas cordi habeat, & quicumquẽ ex Polonis & Terrigenis, liberis Suffragiis Electus Thronum conscendat, huic libenter annuat, sancta tamen Regni in quorum Integritate Vicinis & Fæderatis Potentiis multum incumbit, illas observanda caveat & commendet: per id ænigma Serenissimi Regis STANISLAI à Corona Exclusionem præintendat: ac quod scripto deerat, ore Legati supplente, cum hac ejusdem Declarationis scriptæ apposita Conclusionem, quod aliter *Sacra Cæsarea Regiaque Catholica* Majestas omnibus viribus suis à Deo sibi datis, ejusmodi Legum infractioni se opponere resoluta & parata sit. Alter Minister Moschoviæ eandem sustinendo Thesim, minas etiam more Gentis suæ ferocius interpoluit, quod si Respublica, id quod Careæ Majestati placeat, facere nollit, videbit apud se brevi & sentiet Copias Moscoviticæ iam in Confiniis Regni stantes, & ut illa transirent ac Poloniam invaderent, mandatum habentes.

Celsissimus Primas datâ illis responsione civilissimâ & pro dignitate Liberæ Reipublicæ, ejusmodi contra se Vicinorum attentata minimè merentis aut sperantis, ex nunc per expressum Cursorem unas Literas Nomine totius Orphanæ Reipublicæ scriptas, Viennam expedit, alteras à se ipso Responsorias ad manus Domini Legati Cæsarei reddi fecit, in utrisque enixè rogando & obsecrando *Sacram Cæsaream Regiamque Catholicam* Majestatem, ut Jura Liberæ Regum Electionis nostræ, non necessariâ Legum Nostrarum protectione gravare nolit. Quò autem tenore fuerint, non nos piget illas de verbo ad verbum inferiùs adiungere, ut omne publicum videat & judicet, quò zelò pro avitis Libertatibus nostris egerit Primas, & quòd obiectæ sibi auxiliorum sollicitationis, nunquam etiam conficius fuerit. Ad Caream autem Majestatem Literas itidem paratas & Nomine omnium Statuum confectas, Dominus Comes Levenvold Supremus Careæ Majestatis Stabuli Præfectus, recipere non est dignatus, imò reditum ad Principem suam in animo turbato festinantissimè conceptum, in Regno alieno, ac si in Ditionibus Moscoviæ tumidè securus, sine Literis liberi passus adortus est. Si id in alio Regno, aut alio Regni Statu fecisset, quid inde posset accidere, subji-

mus

mus censuræ & Judicio Universi Orbis: Nobis tamen Pacis amore & belli præproperè causandi horrore hanc unius Extranei, nec adhuc ullò publicò caractere insigniti indignitatem, modeste dissimulantibûs.

Cùm hæc ad evidentem Reipublicæ insultum & contemptum fierent, ac per Declarationes Aulæ Viennensis renovatas & repetitas, iam clariùs & distinctiùs Serenissimus Rex STANISLAUS è numero Candidatorum ad Regnum excluderetur. Imperiosa hæc voluntas permovit sensibilibiter totam Liberam Rempublicam à nemine dependentem, Legumqve suarum Protectionibûs extraneis non indigam, ac sui Juris integram Dominam. Permovit intimiùs & *Sacram Regiam Christianissimam Majestatem, cujus Illustrissimus Dominus Legatus Serenissimum Regem STANISLAUM* antea Electum & Coronatum, iamqve nunc Potentissimi Regis sui Socerum, Reipublicæ commendare & insinuare placidè ac suavissimè cæperat, nullis minis aut terriculentis adjectis, imò laudabilissimè relictò liberò, liberæ huic Genti arbitriò, novam etiam instituendi Electionem, ad majus legum suarum complementum ac robur, per unanimem totius Electoris Populi assensum. Quæ oblatio in tam delicatâ rerum præfatione consistens singulis Polonorum placuit, Universorum Corda, ad bona erga Nos Galliarum studia, ita traxit & rapuit, ut toti deniqve Reipublicæ consultiùs, æquiùs ac naturalius videretur postulanti Potentiæ annuere, quàm minanti se subdere.

Interea ut mos est Nuntiis Terrestribus ad Comitìa Generalia missis, eorum quæ acta sunt, rationem dare coram suis Palatinatibus & Districtibus. Appropinquavit terminus indictus Comitiolis Relationum, ad quæ, ut in aliis locis Nobilitas Terræ Varsaviensis congregata Varsaviæ, cùm consultationes suas inceperit, Plenipotentiarum Saxonici per comparatum sibi Unius ex Nostriis certò pretiò obsequium, ausi sunt quendam famosum libellum Typis impressum, Reipublicæ enormiter insultantem, Comitìa Convocationis unà cum Exclusionem Extraneorum à Corona detestantem, Jus Electori Saxoniarum ad Regnum allegantem, & quidquid pessimi dari poterat ad noxam Reipublicæ, & Unionem animorum inter Cives rumpendam, in se virulentissimè complexum, in medio Procerum, Officialium, ac Nobilium distribuere, & ad legendum invitare. Quid inde evenerit & qualiter exposit in ea materiâ, inqve tam indigno casu ad Sacram Cæsaream Regiamqve Catholicam Majestatem Primas scripserit, haud in-

inconveniēns duximus easdem literas ad notitiā publicā dare, & aliis prioribus consequenter adnectere, cum brevi exnunc hiccē reflexione super Jura Gentium.

Fatemur Ipsi illa deberi religiosissimē observari, cū in iis constet & Regnorum omnium Authoritas, & ratio rerum per Ministros eorum securē & honorificē tractandarum. Sed quærimus eos, qui quærentur de Juribus Gentium læsis, an Jura Gentium sunt constituta ad injustitias & injurias in iis locis, in quibus coli prætenduntur? Nonnē abusus Juris tollit beneficium Juris? Nonnē Jura Gentium prius & exactius observari volunt, ab illismet ipsis, qui missi pro tractandis negotiis, ad leges non cum legibus veniunt? an permissum est Ministris Extraneis ultra Sphæram Negotiationum suarum immodestē ac arroganter excedere, seditioes ac turbas ciere, in sinu suo proprio Reipublicæ insultare & eam impetere? attamen ad tam atrox facinus satis moderationi datum, quod ex Decreto Judiciorum stante Interregno Capturalium modica ultio & pœna per damnatum ad rogum eundem famosum Libellum extensa sit. Ipsīs ejusdem Authoribus coram furore Populi adhuc in salvo manentibus.

Deniquē si se læsos & injuriatos ejusmodi sat mansveto actu opinabantur, poterant statim abire ex Polonia, sed concatenatim cum præfatis sibi intimissimis Externis Ministris manere voluerunt Varşaviæ, ut ulterioribus insimul factionibus operam & opem darent. Secundū Consuetudines & Confæderationes Statuum sub Interregnis in Volumen Legum insertas: secundū Constitutiones antiquiores & recentiores, omnes Legati, & quicunque illi fuerint Ministri Extranei tenentur abire Varşaviā, & abesse à Campo Electorali. Illi verò ut id facerent, per Supremum Regni Marschalcum, Cui hæc denuntiatio de Jure convenit, requisiti, datis aliquibus flocci pendendis rationibus, non posse ex Residentiis moveri, nec stationem suam deferere, tumidē responderunt. Nonnē hoc est per illosmet ipsos Jura Gentium violari, cū una quæque Gens Jurium ac Legum suarum, quibus regitur sit Zelosa Observatrix & Domi Sux Extraneorum insolenter agentium, intollerantior.

Tandem ad Comitia Electionis ventum, in quibus non obstante omni conatu & molimine earundem Potentiarum inter se colligatarum, ut Rempublicam in diversos sensus dividerent, tūm generosissimē spreto terrore appropinquantium Copiarum Principis Rosſiacz in Campo Electorali Legibus designatō, quem numerosissima
omnium

omnium Palatinatum, Terrarum, Districtuum utriusque Gentis sub
signis Nobilitas ad Sexaginta & amplius millia Hominum ascendens,
impleverat usque ad gratissimum oculis tantæ multitudinis bene ar-
mata aspectum, nemine contradicente, omniumque unanimi voce,
votô & labiô ad triplicem Primatis, utrû sit concors assensus, in-
terrogationem & Nominationem, Electus & proclamatus est in Re-
gem Serenissimus STANISLAUS.

Mirari satis non possumus Principem Eugenium adiecisse fa-
cilè magnæ Authoritatis suæ fidem falsissimis relatis de factâ quasi vi
Liberis Suffragiis. Nam nec à Primate, nec ejus suggestu minima
ulli illata fuit injuria, aut qualiscunque intenta comminatio, per
quam liberè sentiendi detereretur vel cohiberetur voluntas. Tu-
multus, dissensionis aut alicujus violentæ cædis, nulla etiam imago
vel similitudo erat. Conpersum Sangvine Campum non diffitemur
sed nimis dolendo casu, quia unus ex Polonis & Stemmata & per-
sonali dignitate clarus, Districtusque sui, quem duxerat, Antesigna-
nus eo tempore, quô in testimonium gaudii de felici Actus Ele-
ctionis consummatione, Universus Elector Populus ignem edebat
sclopetarium, nescitur à quo & qualiter globô percussus Vir mediæ
ætatis, & magnæ in Republica Spei in aliquot posthac diebus obiit
velut in Prænuntium ac dirum omen hujus belli cruenti, quod nunc
innocue & immeritè à prædictis Potentiis suscitatum patimur.

Qui autem huic numerosissimæ in omni formâ, ritu & harmo-
niâ expeditæ Electioni circa exordium ejus, adesse noluerunt, & tam
contra Juramenta sua, quàm contra Manifestationem Statuum gene-
ralem in & contra Introductores Exercitus Moscovitici factam, à
semetipsis subscriptam, se subtraxerunt, & in aliam Vistulæ partem
clandestinè transferunt, iniquitatis magnete trahente cor ferreum &
efferatum contra Patriam, quia in loco & tempore nullam reclama-
tionem fecerint, aut fieri saltem subordinaverint, nullum Actui le-
gitimo præjudicium inferre, nullam notam Liberæ per omnia Ele-
ctioni inurere possunt. Prout & Illi qui per totum ejus tractum abe-
rant, & ad alteram ripam Vistulæ, ut ad fluvium Babilonis sedebant,
expectantes adventum Moschorum, non modò pro absentibus, sed
etiam pro hostibus Patriæ ipsò factô, ac iam pro avulsis à Corpore
Reipublicæ membris reputabantur & reputantur.

Objeit demum Primati Princeps Eugenius, quòd contra omnia
à se præstita Juramenta ad proclamationem Regis STANISLAU

compluribus Concivium Millibus frustra obnitentibus procederet. Tàm crudelis impostura, nec objicienti convenit, nec Primati in eo quò est Statu, ut malit vitam perdere, quàm Juratam Conscientiam lādere. Ubi erant hæc Millia reclamantium, cum nullum os esset in Campo Electorali ad contradictionem, & cum ex illa parte seditiosa adhuc hodieum non essent Millia, quamvis vi & armis ad recognitionem Electoris Saxoniz cogantur.

Qualis deinde probatio bonæ & sanæ illius Partis contra Rempublicam assurgentis, quòd licet à Varsavia longè aberant adhuc Rusorum Copiæ, Illi tamen quibus Patriæ salutem curæ, cordique esse dicit Princeps Eugenius, perstiteri in dissensu suo. Judicatur hæc laudabilis constantia ex lapsu in malum deliberatissimo, videtur hæc Salus Patriæ inter hostiles torturas gementis. Nonnè illos hoc ipsum condemnat, quòd à Republica dissentire & cum Moschis convenire maluerint? Non immeritò in Campo Electorali à Statibus factâ Manifestatione appellati genimina viperarum, non fatus hominum, quibus nulla ratio, nulla pietas erat velle scire in propria Matris suæ viscera.

Iverunt obviam Moschis, quia illos vocarunt & vocatos quantocyùs desiderarunt; flagitium enim ubi perpetrandum est, non patitur moram, nè deliberatione & sanioris accessu judicii, quod intenditur, remittatur ac elangvescat.

Addit acerbius Princeps Eugenius, quòd integrum illis erat vel ad Regis STANISLAI exemplum fugam arripere. Magni Herois mentem tàm ineptis explicari verbis, quis autumaret? Cum Regum & Unctorum Dei convitia ipsam Divinam provocent & irritent nemefim.

Serenissimus Rex noster potuit prævias & se concomitantes habere legiones, sed cum illis nec portum Maris, nec limina Patriæ attingere voluit, nè ejusmodi armato accessu minimum etiam Liberæ Genti ac Liberrimæ ejus Electioni præjudicium inferre videretur. Superatis viarum spatiis, insidiarum obstaculis, solus in hora opportuna comparuit, magis voluntati Domini Dominantium & benevolentiz erga se Civium, quàm vanæ confusus potentiz: exindeque illæsis Legibus, ut ad sua rediret desideratus, tantò cum majori suorum amore receptus, non invenit ullum Polonum Regni Exercitum, cui abesse ab Electione & limitibus custodiendis adesse lex jusserat. Appropinquantibus autem Varsaviam Moscoviticis Copiis, nullisque ad resi-

resistendum circa se habitis viribus, svasumne habuit Salutem suam, in qua Salus Patriæ, evidenti obtrudere periculo? Cum omnes denique Palatinatus, Terræ, & Districtus utriusque Gentis ad Comitia Electionis congregati actu finito ad Penates suos abjierint, nunquam impietatem aliquot degeneratorum Fratrum suorum eò devenire rati, ut Moschis ipsi manus darent & illos aperte amplexi contra suam hostiliter animarent Patriam.

Regiæ excessu Clementiæ & Primatialis Pietatis Culpâ factum, quòd fervor & impetus eorundem Palatinatum adhuc sub signis stantium & contra seditiosos ire turmatim omninò volentium, retentus fuerit, parcendo sanguini, qui hodiè pruriens & insolescens est causa malignæ febris, quâ tota concutitur Europa, non modò hæc prima præda furentum misera Respublica. Sed illi Proditores Patriæ sciebant quò fugerent, cum ad Domos suas non esset securum, manente super illos Reipublicæ Judicio pro inaudito ausu & exemplo inductorum in Regnum hostium ad evertenda Libere Electionis Cardinalissima Jura.

Desperatio acceleravit non obvios passus, sed præcipitem dementemque fugam ad Exercitum Moscoviticum, cum quò conjuncti, aut potius illi incorporati post Electionem Serenissimi Regis STANISLAI peractam, in spatio & decursu trium circiter septimanarum, novo totaliter & illegalissimo progressu, Pragæ extra Vistulam non in Campo secundum Leges consuetò Electorali, nullis observatis Solennitatibus sub illegitima Episcopi Posnaniensis Nominatione, Jurisque Primatialis sibi contra Juramentum præstitum arrogatione, penitusque toto Legum & Reipublicæ everso Statu, in parvo conspiratorum catu famulitiis ac variaz farinæ hominibus exauctò, ausi sunt, ac plusquam temerè præsumpserunt ad secundarium Pseudo-Electionis Actum descendere, & non attentâ Exclusionem Extranei Juramenti firmatâ Serenissimum Electorem Saxoniam in Regem Poloniæ proclamare, reboantibus tragicum omen tormentis hostilibus. Qvis unquam audivit Liberas Regum Poloniæ Electiones eò modò fieri? Ab armis Moschoviticis premi, compelli, exigì, ut hic sit, non alius, qui Thronum conscendat, abjectis & derisis nonnullorum æmulis ibidem ad Coronam Studiis? Qvis vidit folio imponi eum Candidatum, qui inter Candidatos iam Lege vetante non erat? Qvis non stupebit contra tot millia liberrimorum sensuum ausum insolentem Civium aliquot perditorum ac implacabilium suæ Pa-

trix, avitæque Libertatis Proditorem? Qvis credet paucissimis Perduellibus & in reprobum sensum euntibus posse erigi cristas contra totam optimè sentientem Rempublicam?

Attamen Princeps Eugenius, qui passim principali Virtutum ac realitatis vel maximè famâ claruit, nescitur quò nunc animò gestit, hanc Pseudo-Electionem nanam, deformem, irregularem & illegalem adornare, tueri & legitimare. Enormia figmenta quibus veritati illuditur, gratis tentare aut sperare. Minimam etiam magni & Circumspecti Vesirii credulitatem delibare, tantò magis invenire fidem apud Præfulgidam Portam, cujus clarissimo in rebus discernendis lumini hos fumos & fucos objicere non est pudoris.

Qualis ibi fuerit Eligentium numerus, contumacium manipulus, declarat & describit eum ipsa ad vicum Grochoviensem loci angustia Sylvis ac ædibus intermixta, quæ nec unius numerosi Palatinatûs se sub signis expansis præsentaturi, capacitati sufficeret. Nam eundem locum quem Electione Henrici Valesii auctorare prætendunt, nuda olim in latum & longum detegebat planities, hodiè verò magnis excretis altis iam horret arboribus. Præterea pro illo tempore quamvis mediante totius Reipublicæ concordii assensu, unum datum exemplum nil valet pro præsentī, nullâ Lege suffultum: Cum Respublica alium commodum, fixum & immutabilem, imò Actibus Electionem formalibus virtutem & validitatem quandam additurum locum! Campo Electoralī tot & tantis Confoederationibus ac Constitutionibus Regni assignaverit & præscripserit. Aliis admissō hōc insolentī præjudicatō per omnes pagos & villas fieret Electio toties, quoties factionibus extraneis obnoxii Patriamque suam venundantes darentur Cives.

Quarè Illimet ipsi cum alios iam errores non curarent, saltem huic defectui subvenire omni nisu contendebant, ut traiectō per Vistulam Exercitu Moscovitico in Campo Electoralī consvetō, Legibusque cautō, proclamationem sui Principis fecissent. Sed valore Exercitûs Regni quantocyûs ex propioribus stativis suis conducti, licet in paucissima protunc quantitate armorum & tormentorum reperibilis, per duas & ampliùs septimanas internox & interdiu vigilem ac fortem resistantiam experti & repressi, cū desperassent tam citò adire Varsaviam & transmeare Vistulam, in eadem ejus ripa, quam seditiosè infederant, ad extremum suas vociferationes in favorem Electoris Saxoniz fecerunt.

Hoc

Hoc loco Princeps Eugenius nos carpit atrociter, objurgando coram Magno Vesirio, quod in illo nostro, cum Moschis trajectum Vistulae omni vi & via tentantibus, operoso luctamine, nec facer quoque omnibus Gentibus Legatorum Character à contumelia & insultibus immunis erat, & eò vesaniae à nostris processum, ut inauditò exemplo Palatia Extraneorum Ministrorum habitationi destinata, militaribus Copiis, bellicisque tormentis aggredierentur, vi expugnarent, & expugnata diriperent. Jam de Juribus Gentium, ubi qualiter & in qualibus rerum vel temporum circumstantiis observari debeant, alius, ut credimus sufficienter differuimus, ex occasione ejecti in publicum per Saxones famosi Libelli: hinc tantum quò ad factum Principi Eugenio respondendum est.

Inaudita & magna exempla semper habere aliquid ex iniquo. Auditumne fuit aliquando, ut Ministri Extranei ad Regiam pro exercendis quiete muniis congregati, in Residentiis suis clandestine inclusam pedestrem & equestrem Militiam haberent, armatam, à tergo in Polonos ruituram & succursuram hostibus, illos à fronte invaduris, quò facilius transirent Vistulam & Varsaviam occuparent? His moliminibus detectis Illustrissimus Dominus Palatinus Kijoviae iustà nec illaudabili ad ejusmodi plusquam fraudulentos actus circumspeditione, confectum dedit Mandatum, ut Milites Moscovitici apud Ablegatum Principis Rossiac armati, & ferme ad pugnam parati interciperentur. Ad Palatium verò Defuncti Regis Augusti, in quo erat suspectissimus Saxonum catus, misit pro revisione facienda, qualis & in quem finem esset hominum armatorum numerus, hocque quiete peractò, voluit Palatium illud in salvo & tuto haberi. Sed cum clausae portae essent & negato aditu Saxones ferociter responderent se non passuros ullatenus aliquam revisionem; statimque eadem ferme horà in stabulis Regiis, non longè extra idem Palatium sitis, plurimi equi Saxonicus iam ephippiati, nec nisi ad ascendendum desiderato equite essent inventi: Unum & aliud majorem peperit suspicionem Domino Palatino Kijoviae, sicque contumaces vi aggredi opus fuit. Quibus, ut in Castello aliquo hostiliter se defendentibus non sine dolenda caede non paucorum ex nostris, demum sanius reddiit iudicium, ubi furiosis ultimum instabat periculum.

Concessoque Palatio Ipsi veniam & vitae gratiam petierunt, quae & indulta est ex clementia, non ex Justitia ad ejusmodi ausum, in Palatio armorum & eorum, quae belli sunt, magnam copiam in-

ventam esse, ac si ex hoc clandestino & minus opinato fortalitio, aliquid præmeditatè funestum prodire debuerit. Saxonum itaque per-
vicacia & malitia culpanda est, non Polonorum apellanda vesania,
qvibus naturaliter licitum fuit pericula sua prævenire & prævertere,
nec Jura Gentium id defendunt. Plenipotentarii autem Saxonici re-
licto fomite hostilitatis notoriæ in Palatio Regio, ex eodem antici-
pativè Ipsi unà cum Ablegato Moscoviæ transmearunt ad Palatium
Legati Cæsarei. Quod ex nunc clausum, portæ magnis trabibûs ab
intra obrutæ, cuncta in circumcirca in armis & violentis studiis pa-
rata; Cum nullum adesset periculum, nulla oppugnandi cogitatio; a-
deo mala conscientia parit timorem, timor qværit inconsulta reme-
dia. Sanò judiciò opportunitè se occludere, aut pavore aut animo-
sitate malè svadente? Cum hæc defensionum præparamenta essent ri-
dícula, solusque eorum Character staret pro Scuto & Præsidio circa
insignem prudentiam Domini Palatini Kijoviæ. Non nos ergò, ut
Princeps Eugenius accusat, sed illimet ipsi sunt Violatores JurisGen-
tium, per tam crudeles in sinu Reipublicæ machinationes.

Cum tamen scirent ipsosmet Legatos Externos sapenumero
incurrisse personaliter in pericula, quòd illa qværent nimis suis fi-
dendo muniis. Toties Illos audivimus malè tractatos fuisse, qvia ut
benè tractarentur, non meritos, & spharam suam insolenter trans-
gressos. Unusquisque eorum in Regno extraneo hospes est, Juris
hospitiò utatur, non abutatur: nec (ut ita dicendum) in aliena Do-
mo immodestè se gerat, turbas excitet, Patriqvefamilias insultet,
aut quod criminalius est, illi insidias struat. Hæc sufficiant Principi
Eugenio Jura Gentium, qvamvis per nos minimè læsa fuerint, sic
acriter declamanti, & nostras infinities majores injurias clam præte-
reunti & flocci pendenti.

Silere autem & nos non possumus, ubi figuratè Princeps Eu-
genius tacendo Regni Leges enuntiat, qvibûs in antè SerenissimoRe-
gi STANISLAO aditus ad Regium Poloniæ solium occludebatur.
Si deberemus, ut opportheret, ab origine causas repetere, earum ef-
fectus, ac circumstantias deducere, in longum iret discursus, sed bre-
viori viâ ad nucleum rem petere & penetrare, visum est. Jam pri-
dè publicum notumque omnibus, qvaliter D. M. Rex Au-
gustus, præter alia Liberæ Genti Poloniæ gravia & intolerabilia, ob
fuscitatum inconsultâ Republicâ Sveticum bellum generali Varfavi-
ensi Confæderatione Statuum, indubiè trinas Reipublicæ partes in se
com-

complexâ, si in quatuor dividenda esset, à Regni habenis amotus, & in locum ejus in Campo Electorali Electione formali Rex STANISLAUS Electus, proclamatus ac deinde Coronatus fuerit.

Quæritur; nonne Tractatus Altrantstadiensis complevit reliqua, & firmavit ad Thronum jus ejus integrum, ac indisputabile? nonne ab omnibus Potentiis recognitus, & primariò ab Augustissimo D. M. Romanorum Imperatore Josepho I.? Si placuit illi, cur non Fratri? si antea fuit legitimus, cur non hodiè, iam ab universa denuò & unanimi Electus Republica? Quomodò potest occludi aditus ad Regnum, ad quod antè pleno Jure habitum, nunc redit plenissimò, cum iterum demissis Regiis Insigniis, novis liberae Gentis se obtulerit suffragiis? Quomodò Ministri Aulae Viennensis, vivi adhuc Testes illius recognitionis Imperatoriae, contra Conscientias suas præsumunt velle Regio Honori occludere portam, quam in Campo Electorali rursum concors & constans, tot millibus congregatorum manus unanimiter aperuit, cum patulis etiam ad gaudia Universorum Cordibus, quòd Patria Filium suum, Patremque simul ac Dominum Throno restabiliri videret? Decorumnè aut honestum Aulae Viennensi non constare sibi, & pro diversitate temporum ac negotiorum diversas in se sumere formas?

Si Serenissimus Rex noster à nobis tam diù aberat, id fuisse Fortunæ vitiò, quòd servatus nostræ felicitati fuerit, & incolumis ad nos redierit, nonne id tribuendum Cœli, erga nos adhuc faventissimi, beneficio, intra tot hodiè Libertatibus nostris intentos ictus? casus & vicissitudines possunt deprimere, non autem tollere Justitiam, quam Deus ipse protegit & in tempore sibi placito, illam simul, ac jus Majestaticum relevat.

Subsecutâ Exercitus Svetici ad Pultaviam clade, D. M. Regem Augustum, iam factò per Abdicationem cum Regno divortio, ad Regni Sceptra reversum, nec cum Republica iterum Sponsâ, novò votò, aut aliquo contractu, vel solennitate rejunctum, in armis regnantem, nilque ardentius ac studiosius, quam Corvialis sui Proscriptiones ac Anathemata affectantem facile quæ voluit, cuncta secuta sunt. Aliis, qui iam erant suarum partium, & in illa rerum Metamorphosi indè gloriosiores, ferventius voluntates Principis amplectentibus ac promoventibus. Aliis præsentem fortunam adorantibus, & illi se pro suo utili insinuantibus, aliis & si sentirent aliter, genuinè sensum suum ad offensionem Principis, proferre non audentibus.

tib'is. Pertasa denique turbarum, tumultuum & bellorum Respublica, iam soli quieti devota multa tulit, & ferre maluit per dissimulationem, quàm per irrationem præteritas reacerere calamitates, Assentatio amica Principum & cubicularia semper intus, Justitia & veritas præ foribus, sic pravi mores in se traxerant Leges.

Sed nunc posset aliquis non incongruè obijcere, an illo tempore, quò contra Serenissimum STANISLAUM acta & lata sunt, ritè & legitimè agebantur, quàmvis (ut Princeps Eugenius asserit) unanimi trium Ordinum consensu firmata. Cùm Primus Regius Ordo ipse esset sub censuris illegitimæ suæ cum divortiatâ Republica cohabitationis, & magis ex supremo jam arbitrio, quàm liberò Justitiæ patrociniò, aut per Confæderationes, quibus altesata Generalis Varlaviensis Confæderatio oppressa quidem, sed non extincta, in tacito erat opposito, aut per magna ad Latus Principis Consilia, aut per alios alterius vocabuli publicos congressus, omnia statuerentur. Et quærimus an prætenfæ condemnationes & proscriptiones in ejusmodi congressibus decisivè statui & sub nomen Legis latæ trahi poterant? Cùm secundum jura nostra nullus Civium, quisquis ille sit, reus criminis Status, non nisi in generalibus Regni Comitibus instituto formali Processu, per totam Rempublicam judicari, & si id mereatur, condemnari & proscribi debeat. Ubi autem contra Serenissimum STANISLAUM talis institutio processûs? ubi Judicium? ubi Decretum? ubi denique Comitibus in quibus hæc proscriptio formam, vim, Virtutemque suam accipere poterat? A rehabito per D. M. Regem Augustum Thronò prima demùm in Ao. 1717. fuerunt Comitibus Pacificationis præcisè id nominis nacta ex necessitate roborandi Tractatûs, qui inter Regiam Majestatem ab una, & inter confæderatam contra Saxonicas Copias, Rempublicam, ad sistendum tanti sanguinis ad invicem effusi Cathaclismum, conclusus erat. Attamen in his Comitibus qualitercunque apellandis non est sævitum in Honorem Serenissimi STANISLAI, imò sat molliter cautum in abusum amnestiæ, hoc rigore Legum interpositò, quòd secundum illas puniendus esset: pænâ autem legum semper præsupponentibus Convictionem & Judicium. De quo aut de processu ad illud formandò, nulla deinde mentio fuit in Comitibus generalibus, jam non ex Confæderatione Statuum contra Saxones promanantibus, sed in pactata Reipublicæ in Ao. 1726. Grodnæ celebratis, feliciterque finitis, ac quorum rituatâ solennitate Jus Regium, quàmvis tacitè in animis Civium ambiguitati

guitati & disputationi adhuc obnoxium, ipsi tūc deinceps Majestati agnitum, legitimatum, & firmatum est, ad alias non evertendas in Regno, aut in dubium vocandas necessariè & utiliter factas, tam longo Ejus Dominii tempore, dispositiones.

Quantū verò ad Tractatum prædictum in Ao. 1717. confectum. Ad illum mediationem Authocratoris olim Russiæ Petri I. non nisi eò motivò susceptam fuisse, ut externæ Copiæ Regno graviter incubantes, citius & juxta stipulatum evacuationi terminum, certius educerentur. Et in hoc sponsonem quoque ejusdem Monarchæ non potuisse præjudicare Reipublicæ, si adjuncta expressè fuisset. Sed ut Sponsor, Evictor & quasi Arbiter esset Legum ac Constitutionum Regni, quarum cura & tutela Vicinis Principibus minime convenit, & quas Reipublicæ à nemine dependenti, apud se condere, tollere, immutare liberum ac absolutum est: ad hoc absurdum, nec illa unquam immunitatum suarum zelosa ac provida assentire potuit, nec id in Comitibus Pacificationis inter Articulos insertum fuit, Aulâ Viennensi insimul cum Rossiacâ falsò allegante id, quod cuperet, ut Libera Respublica, si quæ statuenda vel decernenda illi apud se essent, pro eorum assensu ac approbatione Viennam aut Peterburgum recurrere opus haberet.

Conveniet ergò nobiscum ipse Princeps Eugenius, nisi absolute & irrationabiliter disconvenire velit, quod si quid in antè eā irregularitate, quæ deducta est, contra Serenissimum Regem STANISLAUM fuit prolatum, nunquam illi præjudicare potuit, aut saltem, si pro lege haberetur, cujus vim non habet, tamdiū Serenissimo Regi Augusto valuit, quamdiū vixerit. Cū post Fata ejus, cujus intuitu quoque in præfato Tractatu Anni 1717. Mediatio Rossiacæ Potentiæ erat admissa, integrum liberumque fuerit Reipublicæ Principe orbata ejusmodi sancita statim tollere & cassare. Quod & fecisset indubiè sub Interregno, ubi eadem statuendarum & abrogandarum Legum est potestas, quæ est vivente, & in solio sedente Principe, si illos actus contra Serenissimum Regem STANISLAUM per modum Legis affectatos, qui demum per se ruebant, & cum morte Regis moriebantur ad gravem eorundem & acerbam commemorationem damnare & annihilare sibi benè svasum, consultumque judicasset.

Quapropter nullam posse dari rationem, quæ excuset Externas Potentias, nullum jus aut ejus saltem rationabilem aliquem præ-

textum ad alienum Regnum inquietandum habentes; nec ullam esse rationem, quæ illas non vincat & coarguat maximæ injustitiæ, immanis malitiæ, & factæ secum execrabilis Conventionis, ut Liberam Gentem everterent, & illi simile jugum, quale est Hungariæ & Bohemiæ, imponent.

Princeps Eugenius (sit venia dicto) apparet ipsemet esse ejus perniciosi Consilii Author, cujus fit hodie acerrimus Tutor. Nullius honori ex optimis & numerosissimis Civibus parcit, paucissimis pessimis contra Rempublicam assurgentibus, virtutis, honestatis, constantiæ, ac intensi erga Patriam amoris, vana nomina attribuit, seditiosos laudat, seditionem, ut aliquid liberrimum & legitimum, tuetur, contra expressum Articulum Tractatus inter Augustissimum D. M. Romanorum Imperatorem Leopoldum & Serenissimum olim Joannem Tertium in An. 1677. initi, ac ejusdem recentius in Anno 1732. Varsaviæ renovati & firmati. Pseudo-Electionem ad sidera tollit coram Magno Vesirio, nil illi defectuosum, dissonum, Libertati aut unanimitati contrarium admittit, imò utrumque actum inter se comparandum, Authoritatis suæ incurius, ridiculè affectat. Jam in publico sunt Parallela, à quocunque edita fuerint, non possunt non laudari, nisi quibus veritas odium pariat. Sed ut Principis Eugenii desiderio satisfiat, pro meliori ejus informatione ac fide, nos quoque illa brevissimè referemus. Hic erat Electio, ibi Pseudo-Electio. Hic lex, ibi illegalitas. Hic forma, ibi difformitas. Hic ritus, ibi omnia nova & insolita. Hic Justitia, ibi iniquitas. Hic jus, ibi injuria. Hic Conscientiarum puritas, ibi crimina Statûs, & periuria. Hic animorum tranquillitas, ibi turbulenta seditio. Hic amor Patriæ, ibi inexorabilis furor. Hic planum, ibi abruptum. Hic salus, ibi interitus. Hic Campi Electoralis arena spectabilis, ibi spelunca. Hic Senatui Confessus honestus, ibi locus diversorii. Hic Ordini Equestri suum ut moris Vallum, ibi vallum ex Exercitu Moscovitico. Hic Comitia de Lege, ritu, & termino, ibi conventiculum his omnibus demptis. Hic Veritas & Ordo, ibi error & confusio. Hic Marechaleus Equestris Ordinis ritè Electus, ibi exlex Director cæco impetu assumptus. Hic Millia Electoris Populi, ibi pusillus Grex Perduellium. Hic sua propria Gens ad suffragia, ibi cum seditiosis promiscui Moschi, Cosaci, & Calmucensis, horridus aspectus, popu-

lus. Hic Nominatio per Primatem legitima, ibi per Episcopum per-
iurum sacrilega. In Summa, hic Libertas, ibi servitus, ut illam de-

pingunt originales Literæ Domini Generalis Lacy de 24. Septembris
5. Octobris

ad Dominum Bironem Peterburgum missæ, & à nostris interceptæ,
quòd in illo exiguo, adhuc tamen inter se dissono catu volentes no-
lentes, alios persuasionibus, pollicitis & adhortationibus, alios Mi-
nis ad ea, quæ è nutu Principis Rossiacæ erant, compulerit.

Ægrè fert etiam Princeps Eugenius Reipublicæ, quòd Exteros
amoverit à Regio Poloniæ Fastigio, haud exclusos Legibus; quasi il-
li non liceret, de novo eas ferre contra Extraneos, quas tulerat con-
tra Terrigenas post fata Serenissimi D. M. Joannis III. nullo ha-
bito respectu Filiorum Principis tanti, & tot de illa meritis Com-
mendatissimi, in numero terno existentium ab Avis & Atavis; ac lon-
giùs retrò Polonorum, inter quos poterat fieri vera Liberaquæ Electio,
& nec minima successionis ad Regnum nati post Patrem apprehendi
umbra. Errat autem Princeps Eugenius suo in supposito, has nobis
leges esse, ut secundum illas Principes Regii, quia Regum Filii, jam
non pro Exteris, sed pro Piaſtis reputentur, quamvis sint ab exotico
ad Regnum liberum, liberè vocato Principe & extra finum Reipu-
blicæ procreati, & sorte nascendi hæreditarios externos, quibus suc-
cederent Ducatus nacti. Meliùs illas novit Elector Saxonix, & se
ipsum ut extraneum: cum per suos Plenipotentiariorum in Comitibus Con-
vocatorum Statuum omni conatu & molimine Exclusioni à Corona
Extraneorum se opposuerit. Sed frustratus intentò, ut tamen titu-
lum & accessum aliquem ad suffragia pro se comparanda in futuris
Electionis Comitibus haberet, jam deinde Piaſtis (hoc est) Terrigenis
ad Regnum Competitoribus, omninò se adnumerandum affectavit
per certum in lucem editum quoddam Genealogicum & declaratori-
um scriptum, quòd utrisque suis Parentibus ex Jagellonico sanguine
in sexu & nexu muliebri per orbem diffusò longæque serie descen-
dentibus ac oriundis, ipse quoque iam non Germanus, vel Saxo, sed
totus Piaſtus & Polonus esset. Quò scriptò admodum lepidò & in-
geniis rem tam difficilem evolventibus violentum sudorem intulit,
& ipse immoderatum hujus Regni, ad quod vi etiam iturus esset,

appetitum patefecit. Poloni ad hæc & ridentibus & in averfione ejus neo-Poloni seu Piaſti Regnum taliter ambientis, magis & magis ad unionem animorum ſe accingentibus. Sed Aula Viennenfis (parcat nobis) fons omnis mali, quæ Sereniſſimum Regem STANISLA-UM, antequam cum Rege Chriſtianiſſimo ſic intimè conjunctus fu-iſſet, ipſa absque dubio & cum affectu ad Thronum manuduxiſſet, nunc non tam Cauſa illius, cujus Electioni ad ſolum Leges Regni contrarias prætextuoſe & impertinenter allegat, quàm odio natura-li Galliæ, ac illi per antitheſim omnibus Electorem Saxoniz iam ſibi repertum, bonum & idoneum permovit Conſiliis, ut ad Regnum ſibi quoque non diſplicens, Patri ſuccederet, neque ſe animo deſici pate-retur, quòd erga illum inclinatio non eſſet Univerſæ Reipublicæ mi-nimam ab illa ſecefſionem qualicunqve modò aliquot Nobilium ſuf-ſecturam deſtinatis, ut Excluſio extraneorum conſtituta rueret, & armis reliqua perficientibus, ac invitos populi ſenſus ac amores con-ciliantibus, Regnum ſic poſſeſſum, regnanti plùs authoritatis ac utili-tatis in poſterum promitteret. Eadem Aula Viennenfis per conjun-ctam ſecum Saxonum & Ruſſorum factionem, aliquot periuſis ac perduellibus Civibus in ſua vota tractis; Aulam Roſſiacam, cujus di-rigenda clavim fortunatam eſt naſta, monuit, ut Exercitus Moſcovi-ticos quantocyùs in Poloniam induceret, quoniam ex anteriori cum Ruſſis compactatò, Imperatoriæ Legiones bello Gallicò imminenti diſtractæ irrupere in illam iam nullatenus poſſent, ut id teſtantur data Informationes Viennâ ad Reſidentem Peterburgi Caſareum ſcri-pta, ac in ſuo Originali lapſum ad manus noſtras paſſa. Hæc Aula conſlavit Pſeudo-Electionem Pragenſem. Hæc accellerari fecit, & Coronationem Electoris Saxoniz, contra quam iam eſt in publico facta à Celſiſſimo Primate, nomine Statuum ſolennis Manifeſtatio.

Qvale verò Alpha, tale & Omega. Actus ille Coronationis ſub armis hoſtilibus expeditus, vix habuit quadraginta depravatos, ac à Republica deficientes Cives, qui illi triſti ſolemnitati aderant. Ob defectum autem Nuntiorum Terreſtrium, quorum nec unus ex Pro-vincia minoris Poloniz comparuit, ex turno ejusdem Provinciæ in Mareſchalcum Ordinis Equeſtris ſaltem aſſumendus, ſi non eligendus; Comitia Coronationis novò & inauditò exemplò etiam inchoari non poterant. Nuditas hæc oſtendit iniquitatem impoſitæ Capiti nullo ju-

re Coronæ, probavit & aliam priorem Pseudo-Electionis contra assertionem Principis Eugenii, quod essent millia reclamantium Electioni Serenissimi Regis STANISLAI. Cum secus circa tuitionem tam Majestatis Regiæ, quam libertatum suarum omnes Palatinatus utriusque gentis consurgant per Confederationes, & arma sumant contra usurpatorem Throni, ac ei assistentes Moschorum exercitus.

Hæc ergo omnia fidelissimè & sic genuinè hic relata, ut nec minimum jota veritati aut detractum, aut affectatè additum sit, per se jam & luculenter probant, quod vim crudelissimam patimur, & à vicinis potentiis dicto ferocius opprimimur. Nullò nostrò demerito, sed solâ illarum libidine ad eum prætensæ alicujus superioritatis gradum perductâ, ut in Regno à se independente, aut instar Romanorum Conclavium Exclusiones facere, aut Reges nobis ex placito suo imponere, aut liberam gentem armis subactam servituti adscribere satagant. Hanc injustitiam ad Cœlos clamantem faterentur ipsi prisca realitatis Germani, si illis contra exorbitantem Principum suorum fastum & ambitum, permillum esset vera loqui. Faterentur quoque & Russi suam Caream Majestatem eodem nunc contra Poloniam processisse passu, nam omnibus Nationalibus à Regimine Statûs amotis, & extraneis ad quævis tam Ministeria, quam secretiora sua Consilia adhibitis, quorum peregrinis mercenariis & maximè ex parte Theutonicis ingeniis, nunc Aula Viennensis è re sua commodissimè utitur.

Recto animo non negabit id ipse Princeps Eugenius, ut potè minimarum & intimiorum aulæ Viennensis circulationum conscius & comparticeps, licet annorum ac meritorum suorum plenitudini, judicii gravitati, tanti nominis integritati haud convenientia, imò mera nugamenta Magno Vefirio scripta, in vulgus denique eicere, ac de illis gloriari non erubuerit. Illos ex nostris, quos Germanicæ factioni, immerfos abluere & mundare voluit, certum est aliquos ex patrocinio famæ, favore fortunæ & æstimatione vulgi celebres, hodiè in vero virtutis pondere nimis descivisse, ut sæpè evenit cum pessimo tempore corrumpi & depravari optimos posse, tamen prævalere fas & æquum, cujus fulcimento tota incumbit Respublica.

Justitiam ut palmam, quò magis premitur, magis crescere & expandi. Veritatem, ut oleum nunquam deorsum delici, semper in alto stare & diffundi. Mendaciorum autem eam esse naturam, ut pro autoritate & attrahenda sibi fide, quamvis caput aureum, pectus ferreum habeant, quia tamen pedibus inhærent fictilibus, non diu sustentata, cum tota machinæ mole, ipsa per se ruant & concidant, relictâ suis Magistris pudoris & ignominia notâ, pro solatio & operis pretio.

Copia Literarum ab Augustissimo Romanorum Imperatore ad Celsissimum & Reverendissimum Theodorum à Potok Potocki Primatem Regni Poloniae & Magni Ducatus Lithvaniae.

Reuerendisime in Christo Pater, Amice sincerè Nobis Dilecte. Sicuti inter Augustam Domum Austriacam, tum Regna ac Provincias, hæreditario jure ab Eadem possessas ex unâ, ac Serenissimos Poloniae Reges, hujusque Nominis Rempublicam ex alterâ parte, ætæ Unionis ac amicitia Vinculum ab aliquot retrò Sæculis intercedit, solennibus Pactis Conventis identidem renovatis innixum; ita Reverendissimam Paternitatem Vestram latere minimè arbitror, Augustos Antecessores Meos nunquam non periclitantis Reipublicæ ac Polonæ Libertatis scutum extitisse. Horum vestigiis insistent non tantum ut vetera ligamina, utrique parti adeò proficua renovarentur, curam omnem impendi, sed & promptum Me ad eandem opere ipso implendam obtuli, cum juxta Reverendissimæ Paternitatis Vestra, ac

com-

complurium aliorum Magnatum sensus sub finem præterlapsi anni Reipublicæ Libertati evidens periculum imminere videbatur, atque nè Ego tutamini Ejusdem desim, à tantæ dignationis Patriæque amantibus Viris rogabar. Neque verò alia vel tunc Mihi mens fuit, vel in posterum erit, quàm benevolum Vicinum, fidumque fœderatum Reipublicæ amicæ exhibere, ac collati beneficii gloriâ contentus non alios, quàm qui in Rempublicam indè redundant fructus, unquam captabo. Constantem itaque affectum, ac providam curam, quæ juxta Vota Reverendissimæ Paternitatis Vestræ vivo adhuc Rege tam propè Me tetigit, ut Viduæ quoque Reipublicæ impendendam, Mearum partium esse ducō. Deessem autem præcipuæ obligationi, quam cura hæc à Me exposcit, nisi liberæ Electionis jus Reipublicæ competens contra quoscunque adversariorum conatus viribus à DEO Mihi concessis propugnare, ac nè *interna Ejusdem quies Scissionibus turbetur, aut aliàs contra Regni, quæ jam sunt, Constitutiones, minus ritè in Electionis negotio procedatur*, provide-re forem paratus.

Tàm longè itaque à Me abest præfato Liberæ Electionis juri quicquam detrahere, ut potiùs nè gratum quidem Mihi Candidatum aliis mediis ad Regium culmen evectum velim, quàm quæ cum hoc ipso liberæ Electionis jure, & Regni, quæ sunt, Constitutionibus conspirant: *Votorum Meorum Summâ non nisi eò tendente, ut circa personam eligendi Sarta testæque maneant Regni, quæ jam sunt, Constitutiones*, coetroquin autem liberis ac unanimibus Polonæ Nationis suffragiis ejusmodi Rex, quiscunque demùm ille sit, eligatur, à quo nec Reipublicæ Libertati periculum, nec Vicinis excitandarum turbarum metus immineat. Eandem quoque fœderatis Meis mentem esse, nec ulli alii scopo copias in finibus Regni collocandas unquam intersituras Reverendissimæ Paternitati Vestræ spondere nullus ambigo. Id enim tum vetera tum nova pacta conventa, quæ Meiisdem indissolubili vinculo ligant, exposcunt: quippè quæ cuncta tutamini præsentis Reipublicæ Constitutionis, liberæque Electionis, tanquàm basi ac fundamento, superstructa fuerunt. Indefessus, quem Reverendissima Paternitas Vestra quieti, prosperitati ac incrementis Patriæ suæ per tot annos impendit, Zelus dubio penes Me locum haud relinquit, quin consilia sua & opera in scopum tam salutarem pro-

movendum unicè sit collimatura. Ita de DEO, Christiano orbe, Me ac Patriâ suâ Reverendissima Paternitas Vestra optimè mereri perget, ac cum ingenti Nominis sui famâ simul primi Principis & optimi Civis munia ex asse adimplebit. Ego autem vicissim non tam Verbis quàm opere ipso tunc ergà Reverendissimam Paternitatem Vestram quàm ergà suos gratâ memoreque mente illa quoque officia recolam, quæ patriæ Salutem propius quàm Me tangunt. Cæterum benevolentissimam Meam Cæsaream Voluntatem eidem in omne tempus confirmo. Datum Viennæ die 14tâ Aprilis Anno 1733.

Reverendissimæ Paternitatis Vestræ
benevolus.

CAROLUS.

mpp.

Hanc Ænigmaticam à Throno Exclusionem Serenissimi Regis STANISLAI Cæsareus Ipse Dominus Legatus oretenus exnunc Celsissimo Primati explicavit.

RE-

Responsum ad has literas à Celsissimo Primate ad Augustissimum Imperatorem.


Ad Literas, quibus me nunc Orphanæ Serenissimæ hujus Reipublicæ breve sub Interregno, ac utinam brevissimum Regimen tenentem, Sacra Cæsarea Regiaque Catholica Majestas Vestra honorare dignata est, cum profundissimo respondere cultu Divis Cæsarum sanguinibus, ac prærogativis digno debiti mei simul, ac officii duco. Præter autem longam Annalium seriem tam vetustate, quam raro non amici nobis ab Occidente æeris hilaritate insignem cum retroacta propius, nec à præsentis temporum cursu nimis diffita revolvam sæcula, adsum ipse assertæ veritati testis, inter celsum Imperium, tum Regna & hæreditarias Provincias Sacræ Cæsareæ Regiaque Catholicæ Majestatis Vestræ, ab una, & Ditiones Serenissimæ hujus Reipublicæ parte ab alterâ, vicinam illasam & optimam continuò mansisse pacem inconcussam ac inalterabilem viguisse, nec in iis quæ jure transigi poterant, ad extrema & violenta unquam venisse. Adeò antiqua Fœdera & recentiora amicitiarum vincula, inter easdem nationes sibi collimitaneas feliciter inita & diligenter ab utrinque servata, nullus dubitat magnis communis tranquillitatis præfidiis ac mutuis suis contra Hostes auxiliis non parùm profuisse. Quòd verò Augustissimorum Domus Austriacæ Prædecessorum Religio benè culta fovit & servavit in integro, hoc magnanimitas & bonitas Sacræ Cæsareæ Regiaque Catholicæ Majestatis Vestræ exaltavit & posuit in amplo, cum non modò continuandæ inter Fœderatas has Gentes Unioni & quieti, nec quovis prætextu vel motu interturbandæ eximiam suam operam dederit, verum etiam Libertatibus Regni hujus ubi earundem Periculum imminebat assistere & suffragari non recusaverit. In Avis ac Abavis suis Pacta Conventa ritè tenentibus candor reputabatur ad Justitiam in Sacra verò Cæsarea Regiaque Catholica Majestate Vestra super eorundem strictam & Sanctam observationem adhuc pro Libertatibus nostris zelante, ascendit altius & elevatur ad immensam Nominis sui Gloriam, nulla ætate, nullo angulo orbis, nullo ore tacendam, cum non morituro unquam in immortalis Republica gratitudinum sensu, pro tam rara & ferè prima inter tanti Imperii molem & curam ad interesse Liberi Regni hujus attentione. Nunc autem Serenissima hæc Respublica in orbitate sua, luctuosæ ac luctanti cum Fatis suis humanas mentes in ambiguo & suspensò tenentibus situationi obno-


xia longè & infinities majoribus Sacra Cæsareæ Regiæque Catholica Majestatis Vestra obligationibus se devinctam fatetur & sentit, cum illi unicam & delicatissimam Libertatis pupillam, Liberam futuri Regnantis Electionem pientissimè vult, vovet & nè aliquò modò lædatur, in id omnes conatus suos convertere appromittit. Sanctas has Justitiæ juri-
busque nostris assymbolas intentiones, quas in corde Sacra Cæsareæ Regiæque Catholica Majestatis Vestra supremus universi Conditor Dominusque Dominantium operatus est, confirmet pl's ultrà. Mihi permis-
sum erit ex amore in Patriam, ex onere præsentis in ea Regiminis ali-
qua breviter de natura & proprietate Liberæ Electionis innuere. Cer-
tum est absolutè aliquid liberum nec posse dici, nec dari tale, nisi sit
ex toto & ex omni parte liberum, per consequens Liberrimam in hoc
Regno Regum suorum Electionem, quæ est omnium prærogatarum
ac immunitatum nostrarum fons, fundamentum & Basis, id omninò
requirere, ut respectu Candidatorum ad Thronum nec negativam nec
affirmativam sententiam ab externis Potentiis aut expectet aut ad-
mittat. Eò ipsò enim duci & trahi potius quàm suò proprio & na-
turali motu ad scopum suum pergere videretur. Unum quoque
Regnum suis moribus & legibus regitur. Quæ sunt illi plus vel mi-
nus commoda aut congrua, diligentius hæc internò & domesticò,
quàm externò perspiciuntur oculò. Serenissima hæc ac Liberrima
Respublica licet sit diminuta Capite, non est suis diminuta Statibus
de substituendo iterum sibi principali membro in Libertate sentien-
di & eligendi deliberaturis & in id unicè ac studiosissimè intentis, ut
uno Principe satis adversis avulso, alteri Diis propitiis concordi-
busque suffragiis Electo Coronam imponerent. Libertatis nostræ
unicum pretiosissimum & ab omni imaginabili dependentia absolu-
tum ac integrum munus. Fædera & Pacta, quorum inter partes pa-
ciscences & fæderatas sancta & laudabilis est observatio servire &
convenire tantum ad amicitiarum indissolubiles nexus, quibus obfir-
matur strictius pax reciprocis constans emolumentis, sed non perti-
nere unquam ad Liberam hæc Regum Electionem, quæ statim natu-
ram suam amitteret si minimis etiam ligamentis teneretur. Nec
Fæderati quicunque illi fuerint, ultrà Fædera sua ac Articulos in iis-
dem expressos quidquam ex æquo contra hoc Liberum Regnum
Liberamque Electionem attentare præsumunt, nisi summo Jure
summam injuriam inferre velint. Libertas demum Gentis hu-
jus licet consistat in integritate sancitorum & Constitutionum Re-
gni,

gni, nè scilicet aliquando à supremo Ordine violentur, unôque
admissô inconvenienti omnium tollendarum Legum arbitrium sit
penes Principem, verùm tamen ex consensu trium Ordinum
multas & immutatas & abrogatas, usus & experientia probant,
Volumina testantur, neque extraneorum sollicitudinem & curam
unquam fuisse constare in iis, quæ ad solam & Liberam ac apud
se (quidquid velit facturam,) pertinent Rempublicam. De
reliquo quisquis ille fuerit Candidatus, & quem Deus Omnipoten-
s Regum Sceptrorumque Dator ad Sedem Regiam Liberis suf-
fragiis eligendum & vocandum huic Electori populo inspiraverit,
quia me nullarum partium nisi solius Reipublicæ concordis &
unanimes esse eventus probabit & justificabit. Id possum Sa-
cræ Cæsareæ Regiæque Catholicæ Majestatis Vestræ asseverare fir-
miter quòd idem ipse, qui ascensurus est Regni hujus Thronum,
gratissimi & acceptabilis Sacræ Cæsareæ Regiæque Catholicæ Ma-
jestatis Vestræ Candidati implebit Officia, tam sine ullo Liberta-
tum nostrarum periculo, quàm etiam absque omni turbarum Vi-
cinis excitandarum metu. In hoc enim Regno Libero & Li-
berè sibi eum qui dominaretur assumente, plusquam compertum
est, non Reges regere sed potius regi. Vidit hoc ætas præte-
rita ad Viennam, nulla autem non probavit Serenissimam hanc
Rempublicam magis rationibus suis statisticis semper immoto
animo innixam fuisse, quàm votis & meditationibus Principum
suorum adhæsisse. Hîs itaque ultrà propositum meum prolixius
& velut ex torrente cordis mentem propulsant, effusis ac
enunciatis humillimè peto & exoro Sacram Cæsaream Regiam-
que Catholicam Majestatem Vestram ut futuram Deo dante no-
vi Regis Electionem, eamque (ut fas) Liberrimam Serenissimæ
huic Reipublicæ amicæ & Fæderatæ suæ relinquare in toto & tu-
to dignetur. Actus hic Justitiæ & Pietatis plenissimus dilata-
bit ampliùs & ampliùs gloriam suam, jam per orbem satis ex-
tensam, accumulabit Divinas benedictiones felicissimo suo Im-
perio, & nè post sera fata sub nomen alterius cadat, me My-
sta & forsàn indubio Vate, cum non sit omne apud Deum im-
possibile verbum, dabit adhuc de lumbis Successorem Impera-
tores secuturis ætatibus geniturum, & Augustissimam Domum Au-
striacam, si immortalis esse nequit, ad Confina Immortalitatis per-
lucturum.

Copia Literarum à Celsissimo Primatè ad Augustissimum Imperatorem.

Quoniam futura Dñs utinam propitiis Electionis imminent dies, publicum terminaturi luctum, & post nubila temporum cum novò Oriente ad solium sole sparsuri lucem latiore huic tristi haftenus Regno. In quo ejus maxima consistit Libertas, in eo Serenissima hæc ac Liberrima Respublica antiquissimam Augustæ Austriacæ Domûs Divorum Prædecessorum pietatem è sacris excitat cineribus, recentiorem verò & longè insigniorem Sacræ Cæsareæ Regiæque Catholicæ Majestatis Vestræ ergà se benevolentiam nunc vel maximè invocat, petit & exorat: ut Liberæ Electioni plenè favere, unicamque Immunitatum Nostrarum hanc Pupillam illasè servandam tueri Votò suò supremò dignetur. Nil quidem adversi sibi quod metuat, in imaginatione præfigit, & præfigurat, de omnibus collimittaneis Potentiis Serenissima eadem Respublica nullò notata demeritò, offensionum exosa, imò modestâ pratenfionum propriarum tolerantia commendabilis, unicèque Jurium suorum integritatis zelosa. Cùm tamen prævidentia sit mater securitatis, casus quos eventuros non credit, sollicitâ ac ignarâ futurorum mente præcogitat, & nè quid simile accadat, salutaria & amica Fæderatorum S. C. R. C. Majestatis Vestræ Consilia tempestivè præoccupat, obviando fatali totius Europæ in tranquillo hucusquè Statu permanentis concussioni, si extinctor aliquis candela, ut nubem Paci Serenæ induceret, in illo congregatorum Electoris Populi millium actu, funestas scissiones turbasque cieret, aut diris devovendo discordiarum seminandarum Spiritu, facem Nemesis ad incendium Universi orbis proferret. Nec ipsius tantummodò Serenissimæ Reipublicæ prospera vel improspera hac vice spectari & versari, communis omnium Regnorum tranquillitatis, communem etiam ab omnibus exigi curam, sollicitudinem & operam. Quæ cum in Sacra Cæsarea Regiaque Catholica Majestate Vestra sublimi titulo Potentissimi Imperii primos præ aliis habeat passus, bona officia ac studia ejus erga hanc Liberam Rempublicam reliquis fore pro consilio, præcepto, & exemplo haud dubium est. Sanctum id Heroicum & pium Opus faventer habendi desideria Viduæ Amicæ, ac fæderatæ Sux Serenissimæ Reipublicæ, eandem ut immortalem perperituis ac coætaneis devinciet obligationibûs. Imperiumquè S. C. R. C. Mittis Vestræ jam gloriosum, quod superi Justiciarum Remuneratores exactissimi faciant diuturnissimum, reddet adhuc gloriosius & omni sæculorum tractu memorabilius ob integrè observatas Regni hujus Libertates, & illasè mauutentam Pacis Universæ Oleam omnibûs triumphis & lauris potiozem.





Biblioteka Jagiellońska



stdr0024483

